

Di Haas Vider



Skrewen fan Beatrix Potter
Üp Söl'ring aurseet fan: Tanno Hüttenrauch

Diar wiar jens 4 fjuur litj Haasen, en jaar Noomer wiar -

Flopsi,
Mopsi,
Boomelstört,
en Piđer.

Ja lewet me jaar Mooter ön Sönhol, öner Stam fan en mal gurt
Tanenboom.



“Nü min Lefen,” sair ual Mooter Haas jen Miaren, “i ken üp Eekern of di Wai langs gung, man gung ek iin ön McGregor’s Guart: juu Faader her diar en Ünfal; fan höm heer McGregor sin Wüf Kuk maaket!



“Nü laap me, en kum ek iin ön Ündöög. Ik gung nü wech.”



Da noom ual Mooter Haas en Korev en höör Riinskirem, en ging
döör Holting tö Baker. Jü koopet en Liiv brün Bruar en fif
Johanisbaisemeln.



Flopsi, Mopsi en Boomelstört, diar gur litj Haaskis wiar, ging di
Wai langs om Eekerbaien tö saamelin;



Man Piđer, diar mal dristig wiar, ruan gau wech tö McGregor's
Guart, en drüket höm öner Lër döör!



Töjest eet hi som Salaaten en som frans Buanen; en da eet hi som Radiisen.



En da, ging hi Piðersili sjuk, omdat hi höm ring föölt



Man hoken raaket hi da bi Jen fan en Agorkenbēri? McGregor!



McGregor wiar ön sin Hunen en Kneebiin en plaantet Kual, man hi sproong āp en ruan eeder Piđer, diarbi swoong hi en Riiv en skriilt “Stop Tiiv!”



Piđer wiar hiil apskailig kjüüst; hi hastet döör di hiil Guart, aur hi her di Wai töbeek tö Lēr auriiten.



Hi forlos jen fan sin Skuur bi Kual, en di üđer Skoch twesken di lartapeler.

Eed̄er dat hi jam forlos, ruan hi üp fjuur Biin en gauer, sa dat ik teenk dat hi her flöcht ken wan hi ek ünlekelkerwiis iin ön en Stekelsbiar Nat ronen her, en me di gurt Knopen üp sin Jak ön Klođer kām. Et wiar en blö Jak me Meesing Knopen, hiil nii.



Piđer dör hömsalev āp, en forspiljt gurt Tuaren; man sin Gröönen
waar fan som frinjelk Spārigen jert, diar ön gurt Stohai tö höm
floog, en höm buar höm öntöstreengen.



McGregor kām me en Sef, wat hi üp Piđer smit wil; man jüst tö Tir
tjapelt Piđer höm frii, hurbi hi sin Jak achter höm let.



Hi hastet iin ön Werktüchsjupen, en sproong iin ön en Giter. Dit
wiar en fain Ding om höm diarön tö forsteeken, wan er ek sa fuul
Weeter ön wesen wiar.



McGregor wiar rocht seeker, dat Piđer jen of üđer Stair ön Werkjüchsjupen wiar, mesken forstat öner en Bloompot. Hi bigent jam suutjis omtödraien, en luket öner arkjen.



Nü kneest Piđer - “Hā-tsj!”

McGregor wiar metjens achter höm.

En forsaacht me sin Fut üp Piđer tö treeren, diar üt fan en Wining sproong, hurbi hi trii Plaanten omsmeet. Di Wining wiar tö litj fuar McGregor, en hi wiar treet fan't Hastin eeđer Piđer. Hi ging töbeek tö sin Aarber.



Piđer seet h m dial om t  wiilin; hi wiar  t di P st en sjileft me Ungst, en hi her ek di litjst Idee hur hi langs gung skul. Uk wiar hi hiil wiit fan't Seten  n Giter.



Eeđer som Tir bigent hi ombit laapen, ek mal waker, en luket ombi.

Hi fuan en Dүүr өн Wuch; man et wiar lööken, en er wiar niin
Plaats fuar en fat litj Haas om hөm önerdөөr tö drүkin.




En ual Mүs ruan iin en үt aur di stiinen Dүүrdrumpel, jү droch
larten en Buanen tö höөр Familji өн Holting. Piđer fraaget höөр
aur di Wai tö Poort, man jү her sa en gurt lart өн höөр Mүr dat jү
ek swaari күr. Jү skoret bluat me höөр Haur. Piđer bigent tö
skrualin.

Da forsaacht hi sin Wai twērt döör Guart tö finjen, man hi waar muar en muar forbaust. Nü, kām hi tö en Kiar hur McGregor sin Gisters āpfelt. En wit Kat glüüret som Gulfesken ön, jü seet mal, mal stel, man hen en weđer tjoket di Tip fan höör Stört üs wan et lewet.



Piđer taacht dat et beest wiar wech tö gungen söner me höör tö snakin; hi her fan sin litj Feter Benjamin aur Kater jert.



Hi ging töbeek tö Werkjüchsjupen, man skor, rocht naibi, jert hi di Skrabel fan en Hüper “skrab, skrab, skrab...”. Piđer flöcht öner Bosker. Man nü, üs nönt sket, kām hi üt, klatert üp en Krer en luket aur. Dit jest Ding wat hi saag wiar McGregor diar höm om sin Skaloten kiirt. Sin Rech wiar tö Piđer drait, en diarütaur wiar di Poort!

Piđer kām mal litjem dial fan di Krer; en bigent sa gau tö renen üs hi kūr, langs en lik Wai achter som Solbaibosker.



McGregor fing hōm bi Huk tö Sjöün, man Piđer wiar't saachtditsalev. Hi sliiret öner Poort döör, en wiar töleest seeker ön Holting büt Guart.

McGregor hinget di litj Jak en Skuur üs en Fügelsjüüg āp om Gulneebkis tö forungstigin.



Piđer höl ek āp tö renen of luket achter höm hentö hi tūs kām tö di gurt Tanenboom.



Hi wiar sa treet dat hi h m metjens dial  p di net wuk S n  p
Buu dem fan dit Haashol smeeet en sin Oogen sl  t. Sin Mooter
wiar me't K  kin t gang; j  wunert h  r wat hi me sin Kluaring
d n her. Dit wiar di taust litj Jak en Paar Skuur wat Pi er  n tau
Weeken forleesen her!

Ik mut laider sii dat et Piđer des Inj ek mal gur ging.



Sin Mooter braacht h m t  B r, en maaket som Kamelntee; en j  d r Piđer en Kop diarfan!

“Jen litskair fuar’t Sliipen.”



Man Flopsi, Mopsi en Boomelstört her Bruar en Molk en
Eekerbaien fuar Naachtert.